

ունի զհոտ բարի՝ հեռաւորաց և մերձաւորաց, նաև զչուփն հովանի, ընդ ձեզ այս ևեթ բաւականացի՝ զի զովանայցէ ի ձեռն ձեր ոգի իմ երկիւղալից։ Ո՛վ սրբասուն որդեակ իմ Երեմիաս, ունէի, ասէ, ի սրտէ կարօտ առ փափաքելիդ, սակայն կամացն Աստուծոյ յամենայն լեզուէ աւրհնաբանութիւն, իսկ զքո փափաք որ ի կամս նորա զիտեմ, ապենիաղն այն լցուցէ՝ մաղթանօք սրբոց և յիմս աղօթից։ Ո՛վ ամենախորհուրդ, ասէ, զի՞ ասացից քեզ, քանի՜ տացից աւրհնութիւնս. և ցկինն կողմն ասէր. Կին դու ահա՛յ որդի քո, և առ իմ ասէ. Ո՛վ հոգիածին որդեակ իմ, ահա՛յ մայր քո. մինչև ցարդ որ փարէիր¹⁾ առ խխայթեալ հայրս քո, նոյնպէս և մնա՛յ առ մայրդ ամենայն խորհրդեամբ ի Տէր Քրիստոս և անմոռանալի ունել զիս աղաչեմ։ Ո՛վ անրիծդ, մի՛ կարծեսցես լինել քեզ գերաբուն, այլ ամենայնիւ սանձեա՛յ զքեզ միայն առ ոտս կատարելոց։ Յոյժ երախտաւոր զմահտեսի մայրդ ծանիցես քեզ գոլ, որով յարբունս սուրբս հասար մաքրալից։ Ո՛վ սուրբ լսելիդ, զոր ինչ միանգամ լուար՝ լսեցո՛յ և ամենայն բարեկամաց և ծանօթից որք ոչն գտանին և ողջունեա՛յ զնոսա, զի ահա՛յ հրաժարիմ յամենեցունց և երթամ ի ճանապարհս երկարածիդ և յանդառնալին՝ ի տուն յաւիտենից։ Ա՛յ ով անձկալի²⁾ կարգաւորք, որպէս գկոստանդիանոս ասեմ՝ Թէպէտե ի չափ աստեղ չեմ մերձ առ արփին լուսաւոր զի ունել կարէի զկարգ աստիճանի, որ տենչայր հոգի իմ անձկալից³⁾։ Ո՛վ հոգիածին որդեակ իմ Երեմիաս, զեկուսցես առ Եղիազար զտարփումն ոգոյս, այն որ խոցեաց յոյժ եւ նովիմբ տապիմ ահա՛յ, թէպէտ զուրախութեան լուրն ի մարմնի ոչ լուայ, այն որ տառապեցոյցն դարձեալ բժշկեսցէ։ Յորժամ ամե-

1) բարէիր.

2) անձկալի.

3) անծկալից.